

**UDRUŽENJE GRAĐANA SPORTSKIH
RIBOLOVACA «BISTRO» ZENICA
ZENICA**



P R A V I L N I K
O RADU EKOLOŠKE SEKCIJE UGSR "BISTRO" ZENICA

ZENICA, 2008. GODINA

Na osnovu člana 24. Statuta, Upravni odbor UGSR "Bistro" Zenica na svojoj XIV sjednici, održanoj dana 27.11.2008. godine donosi:

P R A V I L N I K

O RADU EKOLOŠKE SEKCIJE UGSR "BISTRO" ZENICA

Član 1.

Ovim Pravilnikom se reguliše način i metod rada, finansiranje i ostale ovlasti komisije ekološke sekcije prilikom organizovanja akcija i izleta, kao i način otkrivanja i sankcionisanja zagađivača.

Član 2.

Komisiju ekološke sekcije udruženja sačinjavaju 3 (tri) člana koje imenuje Upravni odbor, to su:

1. Predsjednik sekcije;
2. Zamjenik;
3. Član.

Komisija može po potrebi raditi u proširenom sazivu

Član 3.

Sastanak eko sekcije zakazuje predsjednik sekcije ili bilo koji član.

Član 4.

Radom sjednice rukovodi predsjednik, a u slučaju spriječenosti sjednicu vodi njegov zamjenik. Svaki član ima pravo da predloži tačku dnevnog reda.

Član 5.

Osnovni zadaci eko sekcije su:

- zaštita i očuvanje životne sredine;
- očuvanje čistoće rijeke Bosne i njenih pritoka na području općine Zenica, kao i očuvanje čistoće njihovih obala;
- zaštita ribljeg fonda;
- pronalaženje i sprečavanje zagađivača, kao i pokretanje postupka za njihovo sankcionisanje;
- organizacija izleta za akcijaše.

Član 6.

Za organizaciju akcija i izleta za akcijaše zadužena je ekološka sekcija udruženja. Nakon organizovanja akcije i izleta komisija je dužna podnijeti izvještaj Upravnom odboru u pismenoj formi.

Član 7.

Ekološka sekcija se finansira iz fonda za akcije i izlete koji se usvaja na sjednici Skupštine udruženja, kao i sredstvima od prikupljenih donacija.

Član 8.

Komisija je dužna napraviti plan rada i finansijski plan za narednu godinu koji u pismenoj formi prilaže Upravnom odboru na razmatranje i usvajanje.

Član 9.

Prije organizovanja akcije i izleta eko sekcija izlazi na Upravni odbor sa prijedlogom troškovnika koji je potreban za njihovo održavanje, te isti prilaže Upravnom odboru na razmatranje i usvajanje.

Član 10.

Predsjednik eko sekcije je naredbodavac u odnosu na utrošak finansijskih sredstava koja su odobrena za održavanje akcija i izleta.

Član 11.

Informacije o pojavama zagađivanja rijeka ekološka sekcija dobija preko ribočuvarske službe, komisije za zaštitu i unapređenje ribljeg fonda, članstva i samoinicijativno, te po saznanju ide na teren da napravi uviđaj.

Član 12.

U slučaju vanrednih situacija predsjednik eko sekcije može napraviti intervenciju i izuzeti sredstva u visini od 15,00 KM, a izvještaj o tome prilaže Upravnom odboru na razmatranje.

Član 13.

Prijave protiv zagađivača se prosljeđuju preko sekretara udruženja prema višim institucijama. Sekretar je dužan da sa istim upozna Upravni odbor udruženja.

Član 14.

Radom eko sekcije rukovodi predsjednik sekcije. U slučaju spriječenosti te ingerencije preuzima zamjenik predsjednika.

Član 15.

Ekološka sekcija je dužna napraviti godišnji izvještaj o radu i isti u pismenoj formi priložiti upravnom odboru na razmatranje.

Član 16.

U cilju postizanja boljih rezultata rada ekološka sekcija uz saglasnost Upravnog odbora udruženja može sarađivati sa sličnim institucijama na nivou općine i šire.

Član 17.

Pravilnik stupa na snagu danom usvajanja od strane Upravnog odbora udruženja.



Zenica, 27.11.2008. godine

UPRAVNI ODBOR

Predsjednik Upravnog odbora